

O ne A Dira se se Siameng ka Bopelokgale

Ditaelo: Direla porojeke eno mo lefelong le le didimetseng. Fa o ntse o bala ditemana, akanya o le mmogedi yo o lebileng se se diregang. Bona tiragalo ka leitho la mogopolo. Utlwa mantswa. Ikuhlwe kafa batho ba go buiwang ka bone ba ikuhlwang ka gone. Dira gore pego eno e kgatlhe.

Ba go buiwang ka bone: Baruke, Jeremia le dikgosana tsa Juda

Tshobokanyo: Baruke o kwala mafoko a ga Jeremia a bo a a balela kwa godimo a a balela dikgosana tsa Juda.

1 AKANYA KA TIRAGALO ENO.—BALA JEREMIA 36:4-32.

Tlhalosa gore o akanya gore 'phaposi ya bojelo ya mokwaledi kwa dikgosana tsotlhe di neng di ntse teng' e ne e ntse jang.

O akanya gore Baruke o ne a ikuhlwa jang fa a ntse a balela mafoko a ga Jeremia kwa godimo, a a balela dikgosana?

O akanya gore segalo sa mantswa a dikgosana se ne se utlwa jang fa ba ntse ba bua le Baruke mo go temana 16-19?

2 DIRA DIPATLISISO TSE DI OKETSEGILENG.

O akanya gore go ne ga nna thata jang mo go Baruke go kwala mafoko a ga Jeremia mo "bukeng ya momeno"—e seng gangwe fela, mme gabedi? (Se se ka thusang: *Bala gape Jeremia 36:4, 32.*)

Ke eng fa Baruke a ka tswa a ne a okaoka go kwala boporofeti jwa ga Jeremia le go bo balela kwa godimo? (Bala Jeremia 26:8.)

Ke eng fa Jeremia a ne a batla gore Baruke a balele boporofeti kwa godimo, le fa tota ene Jeremia a ne a setse a porofitile dingwaga di le dintsi? (Se se ka thusang: *Bala gape Jeremia 36:7.*)

3

DIRISA SE O SE ITHUTILENG.

Kwala se o se ithutileng ka . . .

Lebaka la go bo baobamedi ba Modimo ba tlhoka bopelokgale.

Tsela e Jehofa Modimo a segofatsang ka yone ba ba dirang se se siameng ka bopelokgale.

4


IPOTSE JAANA:

Ke mo maemong afe a mo go one ke tlhokang thata bopelokgale jwa go dira se se siameng?

Fa ke nna ditlhong kgotsa ke tshoga, nka dira eng gore ke nne le bopelokgale gape? (Bala Bafilipi 4: 6, 7.)

Ke dintlha dife tse di botlhokwa thata mo go nna tse ke di ithutileng mo pegong eno, mme ka ntlha yang?

Kakantsho: Dira gore pego eno e nne pego ya dikgang. Bega ka tiragalo o bo o akanye o na le batsayakarolo ba konokono le basupi ba ba boneng ka matlho mme o ba botsolotse.



Itseele khopi ya PDF mo www.jw.org/tn